

觀
物
篇
解

總校官降調編修臣倉聖脉

校對官編修臣莊通敏

騰錄監生臣周紹濂

欽定四庫全書

觀物篇解卷三

宋 祝秘 撰

皇極經世五

以運經世一

觀物篇二十五

觀物篇自二十五至四十篇謂之運經世人數也始
帝堯肇位至我朝肇興之初凡一百二十世分成十
篇孔子曰其或繼周者雖百世可知也聖人逆知禮

之損益於未然康節順叙世之理亂於已然皆三千年百世之事觀物篇曰聖人所以重贊堯舜至禹曰禹吾無間然矣仲尼後禹千五百年今之後仲尼又千五百年雖不敢比德仲尼上贊堯舜禹豈不可如孟子上贊仲尼乎是可知康節觀物之志矣

經世之甲一

經世之已六

經世之癸一百八十

經世之子二千一百四十九

經世之子二千一百四十九

自入元之初到此凡六萬四千四百四十一年

經世之丑二千一百五十八

經世之寅二千一百五十一

經世之卯二千一百五十二

經世之辰二千一百五十三

經世之巳二千一百五十四

經世之午二千一百五十五

康節序第一百八十運自二千一百四十九世至
二千一百五十五世書數而不書事少昊顓帝高
辛之世日用事法也律呂圖全因物之聲音而與
京房用易之律歷天冠地履之不侔矧數用河圖
之中數有天五地六陰陽之分歛一元十萬九千
六百年以準一歲又充一日之分秒用至一元百
六十七億九千六百一十六萬數圓圖則分逆順
方圓則行以曲直與夫藏閏顯閏用交去交各有

旨也

經世之未二千一百五十六

甲午

甲辰唐帝堯肇位於平陽號陶唐氏命羲和欽若昊天
歷象日月星辰敬授人時暮三百有六旬有六日以閏
月定四時成歲曰哉生明建寅月為始允釐百工庶績
咸熙

堯即位甲辰巳辨於前聖人以天德出宰以天道聞

治以天工任人五典之書莫先於堯典五帝之治
莫高於陶唐作典者不數百言能該足一代之盛
際當時元經會之運卦元之元之元之元起混沌
之初甲巳仲至堯初年直會之世之世之世同人
若會經運之世卦元之元之元之元起於開物七
十六甲巳仲則當會之世之世之元既濟五上與
賁之初二係第六周之三百五十六世也運經世
之歲得運之元之世大有卦以世卦既濟合歲卦

大有在既濟圖為未濟合掛一師卦能以衆正可
以王矣堯天之合故載欽若昊天事

經世之申二千一百五十七

甲子唐帝堯二十一年

觀此書堯二十一年則甲辰年即位分明張文饒

甲辰帝堯生非也

經世之酉二千一百五十八

壬子鯀治水績用不成

鯀治水一事爾經世兩書之會經運地數也書命
鯀治水則地之災也運經世人數也書鯀績不成
則人工之成否也係於壬子年者大運當癸亥歲
值壬子幹枝皆屬水也

乙卯舜言底可績帝以德薦之于天而命之位

堯授舜舜授禹之前一年皆書薦于天而命之位
舜曰以德禹曰以功三聖相授所薦不同孟子曰
天不言以行與事示之而已矣則德行也功事也

丙辰正月上日舜受命于文祖用璇璣玉衡以齊七政
肇十有二州協時月正日四罪而天下咸服

堯典首叙帝堯明峻德親九族平章百姓協和萬
邦而康節不書只書歷象授時之事舜典首叙帝

舜納于大麓烈風雷雨弗迷之事而康節不書只
書徧祀時巡誅四凶之事蓋人從而天與則知天
命之所歸按乙卯年經運之世卦在明夷經世之
年卦在坤以同人配明夷合既濟圖之否未濟在

掛一圖是比卦以明夷配坤合既濟圖否晉在掛
一圖是晉卦至丙辰年上半年卦同此堯授舜之
盛際明出地上之時也

經世之戌二千一百五十九

甲子虞帝舜九年

丙戌月正元日舜格于文祖號有虞氏都蒲坂詢于四
岳咨十有二牧命九官使宅百揆三載考績黜陟幽明
庶績其凝

舜命九官十二牧皆人事也故書于此年卦正當
世之會之元之元兌卦初爻變革帝舜登庸三十
此丙戌是在位五十載之初莊子言舜人之合故
載命官事

經世之亥二千一百六十

甲午虞帝舜三十九年

丙辰帝舜求代以功薦禹于天而命之位

丁巳正月朔旦禹受命于神宗分九州修其六府咸則

三壤成賦中邦

康節曰堯之前先天也堯之後後天也其意大率以皇與帝居六會之前王與伯居七會之後今大禹受禪在丁巳去六會之終猶七年何與曰伯禹居攝爾舜帝尚在則猶帝者之世也洪荒之事紀錄無傳禪代繼志略無可攷堯舜禹之盛際獨見諸書而家天下在夏王之後當七會之初乃一元中半之年陽息陰消震起巽伏世變如古聖人以

此定天下之本孟子言禹以天下授益朝覲謳歌
者不之益而之啓則王者非不傳之賢而傳之子
抑亦有天命焉

唐虞當六會之終元經會之運卦在會之世之世
之世同人上交變為革則天運推移矣當數之交
堯舜知天之歷數以天下與賢苟非二聖之大德
安能保災度難洪水滔天非小沴也四凶稔惡非
細故也惟堯舜能平定之故曰巍巍乎有天下而

不與焉惟運經世之年卦當臨之三四五上爻丁
巳當賁之初二三四爻與牛之言略偁而實非牛
指為元經會之卦此是運經世之卦殆不同也然
牛之言必有所聞特不得其真爾

以元經會天地未合未有經世之卦推卦之法只
就運卦變體爻而求之至於會經運則有經世之
卦方可配兩卦合體而橫求之取既濟圖義張文
饒未悟此以為上體屬乾兌離震之位下體屬坤